

續修陝西省通志稿

第九十冊

卷一百七十四

續修陝西通志稿卷一百七十四

紀事八

平定回匪二

同治二年正月癸丑穆騰阿奏前於十二月十三日馳至泰峪口奉旨令臣毋庸幫辦多隆阿軍務迅赴西安將軍本任遵即前進於二十一日行抵省垣二十二日接任登陴察看城垣堅整圍池北面平淺會商瑛棨飭民挑挖設法引水以期有險可憑城上安設槍礮排列嚴密該官兵等操演久弛亟宜嚴加訓練以資守禦惟存營兵丁精壯半派出征自咸豐二年起至同治元年止共出征十八次傷亡官兵多名所遺缺額補放者多係年未及歲之兵統計營內強壯得力者祇有二千餘名僅足分陴守禦近日回逆於距城一二十里外赴省要路時以遊騎壅塞糧道致城內百物

價昂旗民枵腹如再不通餉道難保無意外之虞尙幸提督馬德昭督率兵勇分紮關外加以城內文武協力巡查故得保此危城臣甫經抵任連日察看及所聞大概情形如此又准瑛榮咨蒙旨飭多隆阿分撥馬隊派委得力大員協同防勦足徵朝廷垂顧省垣以拯億萬生靈惟有懇令多隆阿迅將馬步各隊星夜來援早蘇旗民之困

按此疏者欲見彼時旗營實况且可奉諭穆騰阿徵西安城圍雖解而情形猶甚危迫也

已抵省垣所有西安防堵事宜即著商同瑛榮嚴密布置西安旗兵欠餉已及兩月著瑛榮趕緊籌欸務按四成實銀發給倘再推諉漠視致令士氣不振惟瑛榮是問 乙卯多隆阿奏自我軍抵同州後疊破回營該逆已張皇失措詎各路援賊踵至兇燄復熾臣督令各軍移營進逼頭敵營壘距王閣村老巢僅四里許二十八日賊乘夜前來拆毀木椿我營斃賊甚夥二十九日各營出五

成隊殺賊四百有奇二十日出隊鏖戰竟日斃賊千餘天晚收隊賊復跟追我兵誘近濠邊開礮轟擊賊勢如山倒我軍尾追縱橫截殺昏夜之間死者實難數計收隊時已三鼓元旦日因士卒苦戰多日未令出隊初二日四更出隊賊即敗走將至老巢賊以數萬人拚死抵拒屹不少動時已薄暮即行鳴金而回查王閣村與羌白鎮南北相距五里其間連布賊營七八座互爲聲援臣於初三日四更出隊麾兵前進鏖戰多時賊力不支棄甲而竄立將賊營全行焚燬以近日賊情而論外援如不再至不出半月東路巢穴必可次第削平西路雷正綰之軍自收復涇陽後嚴飭成祿布置防守一面籌備糧草軍火十二月二十三日夜間雷正綰送糧行至涇陽城北遇大股賊阻我糧路雷正綰指揮將士併力圍攻將賊營兩座立時平毀賊勢稍卻惟撫臣將新募四營又復留省

以致兵力不敷調撥一時難期得手臣值此時艱祗深焦灼自抵同州後日不交睫者已三十餘日惟冀仰仗威福早將東路蕩平則兵力一寬自可指揮如意奉諭王閣村羌白鎮附近賊營均被官軍焚燬匪勢窮蹙著即激勵諸軍乘勝進攻多隆阿督辦全省軍務仍當兼顧省垣妥籌辦理毋稍大意 壬戌穆騰阿瑛榮奏陝西省城積糧有限十月以來採買兵食耗用愈多疏通不易所賴盩鄠一帶向來產米雖不能供全軍之用尙可隨時解運接濟而各處道路亦僅此西南一綫可通近日回匪糾集大股圍攻鄠縣並分股在附近各鄉到處焚掠情形更緊是省城西南一路又已梗塞鳳翔等處回匪勢甚猖獗若或進竄皆可會集於盩鄠一帶是鄠縣爲省城緊要咽喉現在省中倉糧僅能敷此一月若到二月不但災黎無從賑濟即旗綠各營亦無從散放臣等日夜籌

思寢食俱廢鄠縣城圍不可不解省城糧路不可不通擬請將雷正綰之軍調令來省會商進勦成祿之軍移紮三原藉以就糧並牽制北路之賊則雷正綰有用之兵仍置於有用之地先清附近賊巢則盩鄂之路乃可次第疏通諭以涇陽雖無居民不可無兵駐守若將成祿撤回三原該匪占踞涇陽勦辦又覺費手雷正綰馬步各營應否調回以拯省垣之急著多隆阿察看情形酌量調遣馬德昭前令留防省垣現在紮營何處何以瑛棨未經提及著馬德昭遵旨將附近回巢盡力勦洗如果賊勢太盛糧道梗阻馬德昭兵力單薄該大臣務當先其所急撥兵救援

元整年五月三十日

日東路鄉團來盩甚慘黑河以東惟甘溝豆村二堡獲全餘俱大受破臨川寺焚殺甚慘黑河以東惟甘溝豆村二堡獲全餘俱大受勝途湊灰麪買毒藥和之分裝小口袋俾壯丁偽為負糧逃難狀力

回匪數千人突來均棄袋入城固守賊倉麪袋返駐尚村鎮被樂

賣陝西通志高 卷一百七十四 紀事八 三

於鄂而略於下以蓋補其闕

志附注於下以蓋補其闕 戊辰瑛榮奏遵查甘肅清水縣屬張家川

回匪竄踞崇信縣之神峪河於同治元年十一月初五日撲犯隴州所管之赤延鎮地方知州邵輔移會崇信華亭兩州縣督勇會勦一面親督紳民鄉勇駐紮赤延鎮該匪屢次犯境俱經邵輔擊退不意十二月初一日回匪大股撲營邵輔力竭陣亡昨又接代理知州王守熙稟稱甘省神峪河回匪自十二月初一日占踞赤延鎮附近村莊焚掠殆盡清水縣張家川之匪竄擾長寧驛號馬概被搶去現在圍攻馬鹿堡勢甚危急初五六等日又被另股回匪攔入孫家嶺焚殺附近二三十村俱成赤地臣當即飛咨多隆阿速辦一面飭屬督同鄉團設法嚴密守禦勿輕出戰致墮奸計蓋鄂現在仍被回匪滋擾省城糧道不通刻下惟有會同穆騰阿馬德昭就現有兵力盡心防守奉諭著多隆阿仍遵疊諭兼顧省

垣以期周密雷正綰一軍應否調回省垣疏通糧路並著多隆阿酌度辦理 甲戌兵科給事中王憲成奏陝西鳳翔府南達漢中西連甘肅爲全陝衝要之區去年八月東路回匪竄至郡城東關焚掠村堡該府縣竭力守禦請兵救助曾經該省藩司撥勇赴援而衆寡不敵城圍未解迄今將及半年援兵不至城中薪糧告匱析骸易子慘不可言現聞回逆距城里許四面合圍危在旦夕若鳳翔失守則全省大局恐致糜爛辦理益形棘手伏思陝西巡撫瑛榮布置乖方以致西同等處被匪肆擾朝廷因簡用乏人仍責令在任勦辦以贖前愆宜如何殫心圖報綏靖疆圉鳳翔爲陝西要地乃竟擁兵自衛漠然不顧上負高厚之恩下失蒼黎之望相應請旨飭下陝甘總督陝西巡撫迅即揀派大員帶兵馳救鳳翔以保巖疆而拯民命奉諭多隆阿雷正綰著即商度機宜即由雷

正綰統帶所部迅速進勦以解鳳翔之圍鳳翔官民困守半年可憫可嘉並著傳旨獎慰又諭瑛榮貽誤地方久當治罪宜如何力圖晚蓋以贖前愆若仍毫無振作恆怯偷安則軍律具在亦不能屈法以拂輿情也 丙子翰林院侍講沈秉成奏鳳翔爲陝省保障自回匪滋事圍攻至今半年之久未嘗遣一兵往救該處生員

張綸等縋城而出間道赴省求援撫臣瑛榮僅撥兵一百名派總兵王夢麟統帶前往該總兵以兵少不敢前進又至多隆阿軍營呈稟該大臣諭以須俟攻破同州方能進兵伊等情急來京求人轉奏不敢壅於上聞又奏岐山縣城距鳳翔府五十里距西安府二百餘里爲陝省西路咽喉之地自去年十月間困守至今尙未解圍亦未有援兵前往應請一併飭令派兵往勦立解城圍奉諭多隆阿迅速撥兵前往援應並著雷正綰率部星馳前往鳳翔岐

山一帶力解城圍以救倒懸瑛榮於該郡守令專派員丁赴省並
 飛文驛遞告急四十餘次竟至置若罔聞其漠視地方情形實屬
 萬分可恨該撫身任封疆既無一旅之師前往援應且無一卒一
 使前往偵探不識是何肺腑若該撫尙有天良即當迅速籌兵前
 往援應不得專以軍務推諸多隆阿一人置所屬地方於不顧

回務紀略鳳翔為隴蜀咽喉東路回亂起上游以地當衝要
 候補截取知府離水張公兆棟署鳳郡篆夏六月督署抵任下
 車

之始即督率予令修城濠隄具糧練士範立身正直接物彈
 繕甲兵郡有子告貴州平越州知州鄭士範立身正直接物彈
 紳

士曉以著與回教中老成紳首起然其勸中惡少每思乘亂竊
 士曉以著與回教中老成紳首起然其勸中惡少每思乘亂竊
 紳

東回往來勾竄藉禦川匪為名製械固馬反驛公日派會授川
 順由蜀中上竄陷西鄉洋縣進圍城固馬反驛公日派會授川
 逆

謂其統兵剿辦適陝回事急英撫陳倉旋奉旨折回漢南官紳
 震壽來勦遂聚眾謀拒震壽行抵陳倉旋奉旨折回漢南官紳
 因

復諭解回人信口乃大言回風民耽耽環視八月初三日東
 剿滅回人信口乃大言回風民耽耽環視八月初三日東
 徒

力回入城窺探甚激切遽爾被殺初四日黎明釋回遂在夤夜
 回入城窺探甚激切遽爾被殺初四日黎明釋回遂在夤夜
 變

續來西... 紀事八... 五

至口城放火一起事辰萬已人之守問令鄉恐村人之多火耗四起居令民攜扶老資糧幼者紛許進逃城竄

巢其時各坊雖亂家皆有平涕勸解而勢已燎原無能挽濟回衆為其

運送家資至得距城三里外一別名周圍城無一傷千者三百四

十用二青紅黑白旗人別作兩班一以一守之旗五將十立姓一名大書旗

留以牌頭隊查長遇姓有名警書則於兩班壯少一臺人樓除保是夫問外以間練勇十八

士百名相分得置二防君守窺悉有張太川守候處知事率真且慮政權無屬因曰當直今刺

事之時不由外太籌守餉專督兵遂率刻紳下倡議歸防方官自尊為正政邑督侯兵副之

縣焉令兩唐君贊委助長之凡軍雲司之由實二議鄭維行而大捐局之餉苦項心歸也縣張專辦

齊守出以城各環營城駐而紫營城中殊馬非為計衛由是城下軍有營川黔城兵隨勇各上營仍一

出以兵勇夫三練名勇正守法城梟示營勇之而首鼠者亦斂獲復安思堵旋圍將半違載令私

日疲發已甚若聚兵不進戰自退後以一弱步將各營以整飭勇簡選於前月鋒初鎗七

炮連當環先齊賊發用賊馬隊驚竄我軍屹大立旗磨山動向滿前以掩殺及捲賊入賊逼隊近左鎗

右三接十應之餘營亦兩路兜剿七慶十餘件追之久趙家壩大踏殺賊數百三名座
 馬軍至出此家溝賊城以扼險第一拒我軍捷也石年轟擊二月初六日復名下賊令
 北軍不敢出此家溝賊城以扼險第一拒我軍捷也石年轟擊二月初六日復名下賊令
 出隊先攻羗白鎮老巢一面分兵直擣王閣村該逆猝不及防我
 濠隊先登以左軍應及川王之禮順正義軍繼之守營賊驚竄正勇破巢越
 入而救南原地勢頗高賊望見軍乘勝掩殺焚燒賊房知有三四變百間大左
 衝右機三賊不告急阻收隊而回得瑛撫批示據情再咨人多帥是圍城一
 大轉機三賊不告急阻收隊而回得瑛撫批示據情再咨人多帥是圍城一
 給事危中王憲復遣講沈乘成先後具奏瑛撫亦以鳳郡多帥如懸釜會
 自請嚴譴由八百里飛章入告奉瑛可憫並著瑛派員自思何
 顏對此士民鳳翔官民固守半年可嘉可憫並著瑛派員自思何
 嘉獎於是有望焉
 二月辛巳多隆阿奏二月初一日臣督率各營

出隊先攻羗白鎮老巢一面分兵直擣王閣村該逆猝不及防我
 軍奮力衝殺立將兩巢先後攻克殺斃之賊一時難以數計奪獲
 糧草羸馬牲畜器械無算實足以伸天討而快人心奉諭據奏深
 為忻慰著該將軍將東路餘匪肅清勿令一人一騎渡河然後分

續來西通志高
 卷一百七十四
 紀事八
 六一

兵西路先其所急次第勦辦仍當謀定後動未可戰勝而驕李度多元

忠勇公別傳同治元年詔授公欽差大臣督辦陝西軍務里古稱

沙苑足產蒺藜兵威始壯又以滾營法逼賊而壘二年春連破羌白

鎮王閣村來華喬店孝義倉渡諸賊巢馮翊悉平初公之破諸君

等生路謂賊未空出耶我扼其吭彼不合併庸壬午瑛榮奏回紳候

補知府馬百齡於正月十二日回省稟稱隨同張芾勸諭回民被

拘日前幸遇良回始得脫身回省臣查馬百齡前次被害之說乃

該家屬誤聽傳聞未得親見今既脫身回省所有前請議卹之處

應請飭部註銷奉諭將馬百齡卹典撤銷並令瑛榮派員看守毋

令出外滋事並勿得再為所欺如有逃逸惟瑛榮是問 甲申穆

騰阿奏十二月三十日回騎百餘由東北竄至距城二三里馬德

昭暨總兵福兆出隊迎勦城上開礮斃匪十數人正月初五日匪

復於東南距城八里之興善寺肆擾初八日復於距城十餘里之楊家城滋擾均經馬德昭派千總李廣進率馬隊追勦竄遁奉諭仍督飭在城文武官弁加意嚴防 己丑穆騰阿瑛榮馬德昭又奏正月二十三日傍晚突有賊匪馬步千餘由東北兩路而來經臣馬德昭傳令各營嚴備以待親帶馬隊迎戰該匪死力衝突我軍奮勇奮擊城上連開大礮斃匪數十名立將該匪擊退二十五日巳刻又有馬步賊匪數千由東北正北正東三路而來勢甚兇悍經臣馬德昭調集各關四成隊伍分路迎擊城上旗綠各營連點大礮斃賊多名猶不退卻復以新製馬礮連環轟擊立斃黃衣賊目一名臣穆騰阿又派即補協領德堃率領馬隊衝出西門賊始竄去我軍一鼓壓下追殺至十里舖適大雨如注始收隊回營奉諭回匪撲擾省垣雖經擊走難保不復行覬覦仍著馬德昭穆

騰阿等分籌戰守毋稍疏虞所調烏勒興阿常海馬隊著多隆阿
迅催前赴西安以資守禦 庚寅多隆阿奏正月二十八日我軍
分攻羌白鎮王閣村老巢擒斬千名二十九日分撥三營在羌白
鎮修築營壘以馬隊十營四面設伏該逆由王閣村羌白鎮蜂擁
而前約四萬餘衆當令九營迎敵鏖戰兩時我軍佯北賊爭先追
逐前後各不相顧遂命修營之兵從後抄襲斷其歸路賊進不能
退而我詐敗之軍一齊回擊四面伏兵並起賊遂大潰擒斬二千
有奇二月初一日諜報西路援賊大至即派朱希廣等三營攻王
閣村長壕之東陶茂林等三營由沙窩繞過王閣村伏於林內曹
克忠等三營攻羌白鎮長壕之東王萬年等三營攻其北趙旣發
等三營攻其東北溫德勒克西等馬隊繞出長壕由羌白鎮西南
而進穆圖善統領四營爲各路援應蘇倫保等率四起馬隊輔之

以曹安國等二營爲四路哨探布置周密各軍一鼓齊進立將長
壕平毀臣見王閣村並無寨堡羌白鎮之賊守備甚嚴即傳先攻
羌白鎮申嚴約束退後者誅時回逆馬隊由西南而來當飭蘇倫
保等督率馬隊馳往迎敵賊競奔入城我軍奮勇衝進梯縋而登
賊衆瓦解鎮城遂破隨飭馬步各隊分兵直擣王閣村賊見官軍
齊至不敢出敵我軍勇氣百倍陶茂林之軍由林內出四路夾攻
直入王閣村縱橫截殺賊屍枕藉追殺十餘里奪獲軍械衣物贏
馬軍輜無算得贓銀二萬餘兩分賞軍士初二日各軍乘勝急攻
倉頭鎮正拔隊間據報敗回勾結倉頭鎮大股前來當率馬步迎
擊自辰至申殺賊甚多初三初四等日陶茂林等移紮王閣村該
逆大股來撲均被官軍擊退前後擊斃回目十餘名斬馘悍賊一
萬數千餘名聞賊因無巢可歸將糾約醜類誓死決戰臣惟有嚴

督各軍慎益加慎以期節節掃蕩以竟全功又奏雷正綰一軍前因盩厔鄠縣喫緊令其駐紮咸陽疏通省城糧運嗣接來函以涇原爲西北屏藩亟應妥爲保固如其移營咸陽則涇原必不能保涇原不保則咸陽勢成孤立亦難久持咸陽有失不但盩鄠糧運不通即省城亦形喫重臣因雷正綰近患時疫未能遽赴鳳翔當令暫駐三原趕緊醫治鳳翔被圍日久不能不設法救援臣軍自攻破賊巢後援賊四至以全力來爭須俟東路肅清方可移兵西指惟有飛咨瑛榮就近迅催副將王夢麟尅日馳抵鳳郡力解重圍奉諭同州一帶逆回以王閣村羌白鎮爲巢穴經多隆阿督兵攻克回逆自己喪膽惟官軍兵弁陣亡至三百餘名受傷者千餘名具見該將弁等踴躍用命奮力血戰而念其攻勦之苦欣喜之餘倍覺憫惻著多隆阿傳諭各營將弁宣布朝廷憫念之懷所得

財物即著多隆阿隨時分賞兵弁以旌勞勩該大臣身膺統帥爲國宣勞但能嚴明賞罰調度有方自可戰無不勝總當於奮勇之中常存保重之意用舒馳念雷正綰著在三原加意調攝一經痊愈即行進勦王夢麟前派救援鳳郡責成瑛榮催令速進如省城尙有可派之兵酌量添撥以厚兵力是日以多隆阿軍克復王閣

村羌白鎮功西安左翼副都統穆圖善等獎擢有差

大荔縣續志初

二日己酉多將軍率衆出隊適賊於王閣村外掘壕爲死守計我軍鼓衆前突遂弗成庚戌焚燬羌白鎮外賊營八座時軍中餉糈

火器缺乏適回酋復讒乞撫將八日應之遷延十日餘王閣村老巢未餉踵至乃謝賊復讒戰二十日乙亥攻羌白鎮王閣村

克斬賊千餘丙子賊三萬衆傾巢而出我軍迎戰於白鎮朔仍大捷擒斬二千餘人

將軍親督各營復攻羌白鎮前來我軍戰終日殲之賊名已無數戊寅敗賊各勾結倉渡巨股前來我軍戰終日殲之賊名已無

賊之分股稍懈始開我軍一擊殺退庚辰賊潛蹤沙襲我軍屹立不

子將軍扶病出隊癸巳古柳樹下以所獲賊糧散賑災民今取其

續志高紀事八

方此後連日各營於龐家莊輪番擊陣無止二十一日丁酉
敗賊於龐家莊不敢再出矣戊戌平賊北潰追殺千餘人庚子戰時
龐家莊之賊不我軍亦分股禦之賊大潰追殺千餘人庚子戰時
店賊分股來援我軍亦分股禦之賊大潰追殺千餘人庚子戰時
龐家莊賊巢隨進方略綦詳惟其文稍繁今據大荔續志附錄於
攻克龐家莊情形方略綦詳惟其文稍繁今據大荔續志附錄於
亦用資攷證似三月乙卯穆騰阿瑛乘馬德昭奏省城回匪出沒

靡常經馬德昭隨時截殺糧運仍不能通藍田縣回匪探知省城
糧絀四面圍困意圖斷我文報絕我餉源適由楚募勇之遊擊陳
德隆張志新新招楚勇一千三百名並署西安副都統伊昌阿均
到藍田正擬起程進省突有騎馬回匪三千餘衆由西北一帶蜂
擁而來各處擄掠火光燭天勢甚猖獗伊昌阿率領副將王致祥
等登陴助守擊斃逆衆多名該逆繞越南門陳德隆等伏兵齊出
往來數戰始將該逆擊退追殺里許計斃賊七八十名生擒二名
即在營前正法又奏援鳳之副將王夢麟在秦渡鎮突遇回匪勢

不能支折回省垣現在整鄂一帶漢村紛紛從賊若無大兵勦蕩西路難以疏通王夢麟當令設法前進並望多隆阿早日飭令烏勒興阿常海帶隊西來會同進勦庶保無虞奉諭此項楚勇一千三百名即著留守藍田以通文報往來之路王夢麟怯懦無能仍嚴飭該副將迅赴鳳郡毋任逗遛多隆阿督辦全陝軍務省垣為根本重地豈可不思兼顧仍當調派數營前往援應雷正綰病已痊愈即著多隆阿遵旨檄飭該提督迅赴鳳翔以拯危急

藍田採訪冊同

治元年九月回犯縣境內西寨大梁溝草坪嘴頭等村回追一時並叛燒殺各村房人並盡慘不可言二年正月東南鄉團追賊至十里河急總陣亡四百餘人三月回山遇大股撲與賊戰回賊勢甚危急總陣亡四百餘人三月回山遇大股撲與賊戰回

之 庚申多隆阿奏德興阿統帶馬步千人於二月二十一日過河

將馬隊暫駐同州城外步隊暫紮三河口並將原駐三河口之忠

字左營撤回大營調遣臣因病請假在營調理雖醫治未效惟當此得手之際不敢稍涉疏懈連日更番移營見孝義鎮喬干均係賊壘先令將士急攻一經攻破即可進逼倉頭老巢又奏西路回匪近在鄠縣一帶滋擾省城糧運梗塞伏思西安防兵不爲不厚鄠縣距省僅七十里竟不能出一旅之師扼要駐紮偶因城外賊騎游弋此路即爲不通似此情形實爲自困之道焉能望有轉機刻下省城總以先清糧路爲要著總兵曹克忠人旣勇敢識見亦超擬令管帶烏拉馬隊前往省城將瑛榮所募楚勇七營一併交其統帶責令在鄠縣長安交界之地紮營先通糧運繼圖進勦省垣防務仍由瑛榮商同穆騰阿馬德昭等統率旗綠各營及勝保留防之兵妥爲布置奉諭所籌自屬周妥現在鄠縣回匪未平鳳翔岐山被圍日久未解甘肅固原回匪兇燄日熾急盼同州一帶

早行肅清方可分兵四路接應該大臣督辦全陝軍務所有全陝地利賊勢軍情務當隨時詳晰奏報現已移營孝義鎮喬干自可迅速攻克進拔倉頭鎮老巢盡殲悍賊以清東路省垣防勦著穆騰阿瑛榮會同馬德昭妥爲布置 癸亥幫辦陝西軍務固原提督雷正綰丁母憂命改爲署理俟軍務平定再行賞假回籍守制並給銀四百兩治喪 丙寅甘肅提督馬德昭丁母憂命改爲署理仍留辦陝西省城防務並給銀四百兩治喪 戊辰多隆阿奏西安防務現有兵勇一萬九千餘名新募楚勇三千尙不在此數兵力不爲不厚俱令困守一隅城外數里即無禦侮之師零星騎賊往來游弋竟敢於郭門之外營壘之旁追殺百姓焚燬民房各營兵勇皆置之不問以有用之兵置之無用之地所患者不在無兵而在無將臣遴派總兵曹克忠帶烏拉馬隊前往省城令在鄠

縣長安交界之處紮營通運現在雷正綰之兵只能固守三原咸陽之路已隔絕不通糧餉軍火久已告匱實有岌岌不可終日之勢至我軍攻克王閣村時掘得贓銀約有三十萬兩臣得信稍遲被各營兵勇分散八九萬兩實得銀二十一萬三千有奇當此經費支絀不能不認真辦理是以奏請覈發軍餉今讀上諭有掘銀三百餘萬兩黃金六萬兩與營中所獲之數迥不相符如果真有三百餘萬臣早知國帑支絀焉有不接濟京餉之理此事所關非細仰懇簡派親信大員前來查驗並飭下黑龍江將軍查臣家產如果稍有餘貲即行按贓科罪以爲貪墨者戒奉諭倉頭鎮賊巢中隔孝義喬干等鎮雖因軍馬疲乏未能得手然亦不可示之以弱自當簡選精銳更番輪替使該逆不得休息至所稱掘得窖銀二十餘萬兩已奏充正餉並無掘得三百餘萬兩之事自係實在

情形况前次掘得數萬及二十餘萬兩疊據多隆阿奏聞果有如此鉅款諒該大臣斷無不奏之理 四月庚辰多隆阿奏攻破雷化鎮龐谷莊等處回巢並雷正綰攻勦永樂店情形奉諭該大臣病尙未愈即親往前敵力疾攻克賊巢數處著即乘此聲威將孝義鎮速行攻破以期直擣倉頭鎮掃除逆黨雷正綰進攻永樂店老巢未能得手且該匪分股在涇陽三原耀州等屬地方盤踞滋擾冀斷官軍糧道必須分軍四出力行掃蕩以靖逆氛著雷正綰督率兵勇實力勦除毋得株守一隅致成坐困 壬午多隆阿奏官軍攻破龐谷莊等處後復傳馬步各軍進勦縱橫截殺乘勝追北遂破孝義鎮並平毀附近小村七八處陣斬賊匪三千有餘連破賊巢數十處所存者惟倉頭鎮一穴耳無論其如何强悍如何嚴守臣激勵將士奮力齊攻不難指顧掃蕩奉諭多隆阿此次迎

勦西路援匪大獲全勝攻破孝義鎮並平毀附近小村七八處軍
威大振破竹之勢已成倉頭鎮老巢拒守雖嚴不難指顧掃蕩該
大臣自入陝後所向克捷調度有方尤當慎益加慎不可屢勝而
驕一俟東路肅清即可鼓行而西節節勦洗想該大臣必能斟酌
辦理也 癸未多隆阿奏臣於四月初一日移營前進建築炮臺
轟擊倉頭鎮賊穴土城之內嘈雜之聲晝夜不絕臣知該逆勢必
不能久延殘喘初二日四鼓傳令各營出隊面授機宜今日若不
攻克不准收隊傳示之下將士均踴躍用命力攻竟日奮勇齊登
賊見官兵上城遂即大亂巷戰多時賊屍滿地有自相踐踏者有
奪門而出者官軍馬隊追殺二十餘里擒斬甚多投入渭河而死
者不計其數當將倉頭鎮攻破以步隊七營駐紮防守惟該處距
大軍後路四十餘里必須更番移營前進一面飛飭潼商道趕備

船隻駛至渭南搭造浮橋南北兩岸均可紮營與省城聲氣相通
建瓴而下可成破竹之勢現在同州朝邑一律肅清各軍將士自
入關後皆能效死用命奮勇爭先身經百餘戰攻克著名老巢九
處所有尤爲出力將士員弁兵勇可否由臣酌量保奏以示鼓勵
奉諭逆回糾衆盤踞同朝一路以倉頭鎮爲老巢多隆阿督飭將
弁奮力攻克肅清東路據奏南北兩岸均可紮營與省城聲氣相
通是陝省軍務一大轉機著將敗殘餘匪搜捕淨盡一面率得勝
之軍鼓行而西或先赴咸陽涇陽一帶駐紮與雷正綰之兵就近
聯絡或先顧省城根本之地將附近各賊巢一律勦除疏通糧道
即著通籌全局權其緩急迅籌妥辦不爲遙制在事出力員弁將
士兵勇准其擇尤保奏 乙酉瑛棨奏請將淮鹽北課江運八萬
兩照舊仍撥陝省派員接辦招商捆運以資補苴併請飭下山西

巡撫每月籌撥火藥一萬斤火繩一萬盤解赴陝西交潼商道收儲以備多隆阿營中急需奉諭飭曾國藩令兩淮鹽運使體察情形妥籌速奏並著英桂每月籌辦火藥火繩如數解赴多隆阿軍營毋稍遲誤瑛棨又奏副將王夢麟前因途次遇賊折回省城奉旨飭仍馳往鳳翔臣思省城西至鳳翔節節梗塞非厚集兵力不能疏通惟有將現駐省城之川勇二百二十名交其帶領又前派往漢陰之勇丁五百名飭由該處山路就近馳往俟王夢麟道經盤屋同赴鳳翔有此二營庶可稍壯聲威藉資援救至鳳翔官紳守城半年屢瀕危險百計保全實屬異常出力謹先擇尤保奏奉諭陝西鳳翔府城自上年被逆回圍攻後屢瀕於危各該官紳多方備禦竭力固守迄今半年之久著有微勞自應量加獎叙鳳翔府知府張兆棟以道員用鳳翔縣知縣唐沛霖以知府用參將德

勝賞加副將銜候補道周建豐賞加鹽運使銜前任貴州平越州知州鄭士範以知府用前任狄道州知州封毓章以同知用以上各員均賞戴花翎 丁酉多隆阿奏自去冬入關見各路回巢林立悍賊麇集若提兵進省糧運不多適爲自困之道若分路進勦兵力過單亦恐無濟於事是以將兵勇會合一處直前進擣以期節節掃蕩今幸同朝一帶已就肅清正可趁此聲威分路並進使該逆奔走不遑首尾莫能相顧可期指日蕩平查現在陝省情形渭河迤南華州渭南俱無賊蹤臨潼以西僅有沙窩一處回巢渭河迤北高陵縣城去歲被賊占據而涇陽三原咸陽等縣所屬地方匪巢林立勦辦尙非易易今東路業已得手誠恐該逆勢窮西竄三原一帶防務更緊日前撫臣奏撤雷正綰之軍救援鳳翔臣恐此兵一撤該逆乘虛闌入則甘肅山西路路可通一經蔓延勦

辦又形掣肘是三原咸陽駐紮之兵此時斷不可動臣並慮其兵力尙單已飛咨撫臣將新募四營歸其統帶以厚兵力責成防守北山西路一帶俟臣兵長驅直入再圖撲滅之計一面咨會撫臣另撥六營交曹克忠統帶擇要駐紮疏通省城糧道鳳郡危急仍飭副將王夢麟統兵迅速前往不日大兵西指省城防務稍鬆即令馬德昭一軍亦馳救鳳翔俟解圍後再順路而西以解平涼之圍臣惟冀早靖秦疆俾得提師東下然進兵有三難焉臣病未愈營中瘟疫盛行一難也後路太遠轉運維艱二難也日前攻破孝義即飭潼商道趕備船隻駛至渭河搭造浮橋迄今旬餘疊催未覆縱使日內趕到修造尙須時日三難也有此三難進兵難免遲滯此尤臣所日夜焦灼者奉諭雷正綰一軍防勦三原涇陽自未可輕撤惟鳳翔待援甚急王夢麟帶兵前往能否得力尙不可知

如兵力不敷由該將軍酌度調派馬德昭著趕緊赴甘曹克忠疏
通省城糧道著瑛棨另撥數營交其統帶責令將省城附近匪巢
迅速勦洗以通糧運之路該將軍病未全愈將士疫氣務須妥爲
調攝曲加拊循以慰軫念德興阿一軍前經調令駐紮同朝一帶
爲多隆阿後路聲援此時東路肅清該副都統一軍久駐同朝未
免虛糜糧餉著多隆阿酌量調遣或令赴鳳翔救援或令赴西安
省城一路會勦毋得久置閒散以厚兵力是日以同州府知府呂
儁孫玩視軍需命暫行革職留任以觀後效 乙巳穆騰阿瑛棨
奏四月初一日回匪馬步三千餘名突至岡家寨地方離營僅四
五里馬德昭督隊迎勦把總馬秉坤等均被傷力戰與賊短兵相
接力竭陣亡漢軍六品軍功張起麟及宗字寧夏等營連放大礮
擊斃悍賊甚多該匪稍卻遙見臣穆騰阿馬隊出城接應遂東竄

景陽村而去初八初十等日均有大股賊匪四處滋擾經馬德昭慶瑞親督各軍擊竄現當多隆阿攻勦得手東路敗賊陸續西來糾集匪徒急思逞志疊經拏獲奸細咸供該匪廣造雲梯攻具意圖聚衆撲城據雷正綰函稱亦有回民賄買漢人赴塔爾底通信密約攻城之說不可不防臣等現飭各軍嚴爲守禦並於城內加意巡查撫綏激勵惟城外得力兵勇不過二千已函曹克忠如該匪大股攻城即須率領楚勇星馳援應現在城中糧盡兵民缺食所幸二麥登場豐收可望而該匪隨時肆擾往來馳驟頗難防備臣等商同馬德昭逐日派隊護民設法收穫惟地面太廣兵力不敷分布必須地方有司實力防護方臻妥協經派臬司劉鴻恩前往彈壓已於四月初三日出城如果二麥得收兵民有食大局尙可轉危爲安又奏總兵曹克忠統帶馬隊一百二十餘名已於四

月初一日到省接見之下人甚勇敢熟悉韜鈴實於省城軍務大有裨益奉諭瑛榮城內外現在兵勇合之穆騰阿存營兵數如果布置得法調度有方與曹克忠之軍就近聯絡聲勢自當戰守兼施足資鎮撫何得意存恆怯藉口兵單動成坐困 五月戊午多隆阿奏德興阿一軍派援鳳翔則河西一帶空虛臣已咨請停止奉到五月初一日諭馬德昭一軍疊經諭令馳赴慶陽與熙麟籌商勦賊臣當飛咨撫臣瑛榮尅日添足三千人交馬德昭統帶於十五日以前拔隊前往德興阿一軍令其移紮倉頭爲大軍後路聲援臣已飭陶茂林三營藍斯明兩營渡河紮過渭南三十里距臨潼五十餘里以常星阿蘇倫保馬隊繼之渭河以北派趙旣發四營朱希廣三營紮過倉頭五十餘里距高陵六十里令溫德勒克西金順馬隊繼之我軍分路前進忽有馬步逆匪數千迎頭衝

撲各營相機分勦連獲勝仗惟現由倉頭西至高陵南至臨潼均隔一百餘里其間曠無人煙且渭南等處現尙無地方官到任若後路步步爲營再顧運道兵力實有不敷臣再四籌思惟有由水路運送軍餉較爲便捷現擇兵勇之曾習工匠者督令趕造礮船十隻以資轉運一俟南路兵至臨潼省城近在咫尺聲勢聯絡即易於兼顧矣奉諭多隆阿派兵分紮渭河以南造船運送糧食一俟兵至臨潼與省城通氣即可無虞平涼已圍數月且無得力之將多隆阿務須分兵兼顧嚴催馬德昭統兵迅解鳳翔之圍仍即趕緊馳赴慶陽會商熙麟次第勦辦以紓朝廷西顧之憂 癸亥

穆騰阿等奏自四月十二日至十七日回匪馬步大股逐日攻撲東關迎擊獲勝十九日賊在東南一帶放火總兵慶瑞等帶隊馳勦酣戰逾時賊始敗走二十日該匪又集大股由正北而來經臣

馬德昭派隊迎擊賊一見我軍即遁東南一帶又有馬步賊匪二三千名撲近關門經我軍夾攻紛紛逃竄二十三日馬步賊一千餘名分路撲來我軍奮勇衝殺追十餘里始行收隊二十五日該匪由西北一帶撲近城關東面又有馬賊無數疾馳如風經馬德昭督飭各軍抵敵臣瑛榮飭令虎威營出城策應臣穆騰阿登城巡防督率將弁開礮助戰斃賊甚多賊始敗竄奉諭多隆阿現由倉頭移營前進著即督飭諸軍節節掃蕩迅由渭南臨潼等縣直達西安期與省城聲息相通馬德昭一軍前已有旨飭赴鳳翔援救所有西安省城防勦事宜仍著穆騰阿瑛榮就現有兵力認真督辦 癸酉多隆阿奏本月初七日以前我軍分路進發渭河迤南距臨潼五十里渭河迤北距高陵六十里初八日臣令兩營進偪因思南岸兵力太單當令金順等四起馬隊渡渭而南以厚兵

力該逆於零口地方築壘五座爲抗拒之計十二日賊列大隊前來挑戰各軍出隊迎敵斃賊甚多馬隊追至零河橋邊十三十四等日陶茂林等移營零口令常星阿等馬隊護之十五日諜報前路賊援大至果於是日黎明蜂擁而來我軍奮勇合擊賊即潰散金順福壽麾隊而前衝入賊陣立斃賊匪五百餘名次日據探回黨搬運輜重意圖西竄當飭陶茂林等五營拔隊渡過零河馬隊繼之沿途截殺餘匪狂奔是日步隊駐軍戲河十八十九兩日穆圖善等營亦移紮而前現在南岸十四營駐軍之所僅距臨潼十五里臨潼西北尙有三府里白鴨嘴沙窩里半閣村等四處回巢容再節節進勦北岸趙旣發朱希廣十營已紮至交口查交口在青河之東青河以西皆係賊壘北岸兵力尙單臣飭其穩紮固守乘此機會先勦南岸南岸肅清再將曹克忠之軍移紮咸陽防賊

西竄彼時南岸諸軍撤回北岸合力兜勦不難聚而殲旃臣前因兵力不敷分布於攻克王閣村之後委副將林春前往湖北招募五營現已到齊暫住後路以顧運道並令趕緊訓練俾成勁旅德興阿現在因病請假所帶馬隊已駐孝義礮船已造成四隻其餘六隻不日可成將來礮船上下梭巡聲威益壯又奏臨潼大路渭水適當其衝舊有石橋均被回逆拆斷近日河水盛漲難以徒涉臣已趕派二營修造浮橋以利師行至夏店倉頭二處浮橋被水衝散糧船挽運維艱陸路轉運地方官又未預備車輛每日各營需麪四萬餘斤磨麪人少不敷軍食且各營時疫尙重近日又添痧症死亡相繼心急如焚臣病兩月以來並未輕減軍務喫緊斷不敢再行請假惟有設法調治以冀速痊奉諭所辦甚屬妥協臨潼一帶疏通多隆阿之軍與省城聯合並可兼顧西路雷正綰即

新陝西通志卷一百一十四
可迅速馳救鳳岐務令陝省逆回不得肆意西趨爲害甘省馬德
昭一軍仍飭赴甘其地方官吏於轉運等項有敢不竭力辦理意
存玩視者即著多隆阿據實嚴參咨行地方大吏撤辦多隆阿病
未輕減務須加意調理並將各營患疫士卒妥爲拊循 六月庚
辰穆騰阿奏四月二十九日回逆馬步千餘名由西北一帶撲近
城垣我軍追殺十餘里五月初一日復有馬步回匪六七千名由
西北來犯一股攻撲東關一股攻撲西關一股與馬德昭兵勇對
敵其撲東關之賊經總兵慶瑞等帶隊奮力衝擊逆勢不支向東
奔逸西北一面馬德昭隊伍與賊接仗臣令營總安住帶領馬隊
馳赴西北接應與馬德昭合力兜勦賊始敗北其撲西關之賊經
遊擊孟栢林督兵迎勦該逆見西北之賊已敗不戰自亂遂向西
南奔竄初二日該逆復糾大股四面圍撲當經臣穆騰阿督兵開

礮轟擊賊勢退卻遂糾集各路之賊合力攻撲西關臣伊昌阿趕赴西城防守與撫臣瑛榮督飭文武員弁施放槍礮斃賊多名該逆復合股由西而南經馬德昭督帶兵勇跟蹤追勦該逆歸併正南大股仍與我軍抗拒臣等督兵連開大礮轟擊自卯至巳環逼不退撫臣瑛榮調城內虎威營隊伍出城會同南關兵勇與馬德昭之軍兩路夾擊賊勢披靡齊向東南逃竄追殺十餘里時值大雨當即收隊奉諭回逆疊次撲犯省城勢甚兇惡經穆騰阿等督兵守城開礮轟擊復經馬德昭等各營力戰城內亦出兵夾擊賊向東南敗遁該匪雖暫時退卻難保不去而復來穆騰阿等務當加意嚴防不可稍形疏懈 乙酉多隆阿奏奉旨命臣抽撥勁旅數千交雷正綰帶赴甘省等因查臣所統各軍僅萬餘人現分兩路進兵兼顧後路兵力已形單薄南岸穆圖善步隊十四營常星

阿馬步四起已抵臨潼進擣沙窩等處老巢屢經接仗疊有斬擒北岸趙旣發朱希廣等步隊十營已紮至交口牽掣賊勢賊於交口之西連營十餘座力爲抗拒我兵日日出隊兼守營壘乃瘟疫流行每逢出戰欲派三成隊伍竟不能齊幸各將士久經戰陣尙能穩固不致失機現在臣軍實有萬難分撥之勢雷正綰防勦三原一帶正在喫緊此時亦斷不可輕動昨接撫臣來函建議派阿渾出城招撫又接署藩司張集馨來稟深以主撫爲非竊思回匪之性反覆無常即如臣前克王閣村後該逆屢次前來乞降幸而未墮奸計此時力議撫綏而城外依然燒殺儻變生不測爲害滋甚似不可不防其漸請飭撫臣妥爲防範務期確有把握方可定議臣南路之兵一經攻破沙窩等處老巢省垣即可無虞竣事後再撤回北岸進攻高陵等處回巢雷正綰堵禦三原咸陽西竄之

路該逆首尾不能相顧即可聚而殲旃奉諭多隆阿督辦陝省軍務責任綦重諒於進取機宜不致稍有遷延致辜委任逆回等非痛深創鉅豈能帖耳歸誠瑛瑒著實力防範斷不准希圖苟且甚至央及奸回前往議撫墮賊詭計 乙未瑛瑒奏馬德昭正擬統帶精兵三千尅日起程而紳民號泣攀留謂大兵未到賊勢倍添日以全力勦除尙難抵禦茲將兵調開省城更無可恃臣查省垣存兵僅七千餘名今馬德昭若再調帶三千僅餘四千有零其中不免疲弱兼之半染時疫以之防守省城四關禦此無數悍賊外防內鎮雖智者亦當束手馬德昭是否仍令暫留省城抑俟多隆阿大軍聲勢聯絡派兵填紮馬德昭營盤然後再令迅往鳳翔之處請旨遵行奉諭該紳士等呈請攀留馬德昭一軍暫緩赴甘自係出於迫切真情著准其暫留陝西省城力籌防勦保衛根本重

地以順輿情 七月丙午多隆阿奏前因瑛榮奏蒲城被賊圍困
欽奉諭旨令臣調派勁旅迅解城圍臣查回匪自起事以來東路
同朝一帶最爲喫緊其次則鳳翔一郡亦遭蹂躪至省城地方僅
於上年秋間焚撲東關一次餘均在省城附近一二十里外往來
遊弋撫臣瑛榮並未設法勦除惟知擁兵自衛閉關困守其張皇
失措之狀非筆墨所能罄述本年五月初間據蒲城縣知縣稟報
回匪數百人突竄該縣屬之興市鎮一帶徘徊數日旋即被擊出
境原奏所稱蒲城被圍甚急更屬荒謬又奏趙旣發朱希廣等十
營駐紮交口石汊河本屬兵單臣嚴飭各該營不必與賊接仗俟
南岸肅清再行合力進勦詎意本月十二日夜間逆回由西北鳧
水渡河直撲我營趙旣發等密調隊伍乘閒越牆而出悄悄伏暗處
俟逆衆將近伏兵突起擊斃甚多該逆驚惶無措往西奔竄我軍

趁勢過河追殺十數里將賊壘十三座同時平毀至十三日辰刻始行收隊是日朱希廣即帶新右護軍兩營過河駐紮十四日趙既發與朱希廣會商將勝勇左右兩營及新左新前兩營亦紮過彼岸正在修築營壘間忽諜報回逆大股馬步約萬餘擁來勢甚兇猛趙既發等一面紮營一面迎敵酣戰一時之久該逆稍卻朱希廣勇氣百倍率十數人衝入賊隊逆回素知該將英勇不敢輕敵遂以强悍之賊四面兜圍趙既發見勢危急率各將士前往救援賊拚死抵拒開槍轟擊趙既發身受重傷猶復帶勇衝突賊圍數重不能殺進朱希廣血戰多時力竭陣亡趙既發即引軍退至新紮營內該逆乘勢直前將營盤圍攻甚急臣聞信即於十五日午刻負病冒雨而行至十六日趕抵交口輕騎馳往前敵踏看形勢分派各搭造浮橋傳令礮船駛近橋邊十七日子刻臣督率親

兵各營由中路進派蕭河清等帶領勝勇等營由左路進派溫德勒克西金順率領四起馬隊及富珠哩馬隊由右路繞至賊後包抄夾擊銜枚疾走奮勇直前該逆猝不及防隊亂旗靡我兵兩路並進賊勢不支遂大敗而走趙旣發等營立時解圍該逆往西逃竄適溫德勒克西金順富珠哩帶馬隊至迎頭截擊賊皆驚慌反奔臣親統各營三面擊之賊撲河死者甚多礮船亦連環轟擊斃賊無數生擒馬阿渾據供被勦情急向西路糾黨萬餘希圖抗拒當將擒獲各匪正法十八十九二十等日連派馬隊向前搜殺斃賊不計其數該逆經此番痛創似未敢再來侵犯查北岸各營將士陣亡受傷及患病甚多臣趕緊設法經理一俟固守之計布置妥協仍擬先赴南岸將沙河等處老巢一鼓掃平再將大軍撤回合力進勦高陵又奏正在封摺間據報漢中鎮總兵趙旣發傷重

身死請交部優卹

按多軍交口之役雖傷亡較多然回匪大勢遂挫實東路禦回之役一巨戰也故錄原奏差詳

是日子陣亡提督銜總兵朱希廣記名提督陝西漢中鎮總兵趙

既發從優議卹並建專祠總兵銜副將關行莊劉連陞照總兵例

從優議卹並附祀朱希廣趙既發專祠又以陝西巡撫瑛榮株守

省垣一籌莫展致令地方慘遭蹂躪命即行革職授劉蓉陝西巡

撫未到任前以署陝西布政使張集馨暫行署理又諭多隆阿振

刷精神即行進擣沙河等處賊巢直達高陵毋落後著鳳翔被圍

日久不可不星速往援著即檄飭馬德昭督率所部取道鳳翔實

力攻擊迅解城圍

清朝政典要善陶茂林跨渭為營以驍將朱能督戰令稷圖善陶茂林跨渭為營以驍將朱

希廣趙既發副之令希廣等結營北岸當賊多隆阿聞之勿輕出乘

將為賊所激不能久守背令出戰遇伏而歿多隆阿遣卒招撫賊馬

輿率二千往援大破之克交不敢迎戰多隆阿遣卒招撫賊馬

應之陰運糧西走多隆阿日其詐密令曹克忠繞道截擊自

永樂二店咸陽之渭河灣蘇家溝馬家堡白甘肅陶茂林解鳳十餘處

圍趙既發往救未賊攻進以陣亡傷沒而政典挈要謂皆遇伏

利而死節大節致與平定回匪方略東華錄相而詳細情形則方略

東華錄較政典 壬子瑛榮奏醴泉縣自五月二十日以後即有回

匪從興平之馬嵬坡板橋陽臺等處竄擾其中裹脅漢民甚多分

踞南鄉之東西莊頭張起寨東鄉之扶村等處肆行燒殺近又在

距城十餘里之瓦窰房一帶大路踞為巢穴聚眾攻城偷挖地道

且以槍礮暗藏空屋疊次向城轟擊城上槍礮反不能傷及賊眾

現經該知縣梁書成雇覓人夫乘其不備暗伏壕溝從深挑挖並

在城內一律挑壕以禦地道第外無援兵萬分危急興平亦時有

回匪滋擾疊據該縣等告急救臣以省城無兵可撥雷正綰成

祿等軍亦難抽派惟駐紮咸陽之太原鎮總兵馬陞一軍距醴泉

興平甚近現已飛咨該鎮馳往解圍奉諭醴泉縣城被匪圍攻勢甚危急著穆騰阿張集馨嚴飭馬陞一軍就近馳往解圍並將興平等處賊匪一律掃蕩瑛榮狃於撫議幾誤大局張集馨接署撫篆務宜力矯前失鼓勵將士嚴密堵剿不可爲奸回馬百齡所惑並須設法稽察鈴制與多隆阿和衷共濟聯絡聲勢以期肅清

甲子多隆阿奏回逆自受前次懲創後屢經誘戰堅匿不出臣擬親赴南岸相機進剿初七日賊見官兵到即出馬賊千餘騎步賊五六千人前來抗拒臣親督步隊九營向前衝殺鏖戰逾時將賊壓下適馬隊從旁衝至賊始驚慌亂竄當將蒲桃窪賊巢攻破乘勝進攻拜家村賊匪佯退出伏賊五六百人抄我後路臣即令分隊抵禦適我軍接應五營趕到兩面夾擊賊勢不支往西逃竄我軍追剿殲戮無遺當將拜家村焚燬天色尙早復傳令各營直擣

十三村連破三村日已薄暮始收隊回營初十日帶隊渡河馳赴南岸謀報回逆在三府里迤東築壘六座並由白鴨嘴起至灞河止復挖長壕二十餘里壕內均係賊壘臣見各營將領約定五日內須將南岸賊巢一律掃清以便直達省垣十一日四鼓督親兵兩營令穆圖善等十四營及常星阿等四起馬隊分路進攻三府里賊巢賊馬步約萬餘人出巢抵禦我兵勇氣百倍登時將三府里攻破殺賊數千賊壘六座同時平毀賊退至白鴨嘴糾約逆黨排列壕邊仍圖抗拒臣帶隊追至傳令越壕進攻兵勇踴躍爭先賊見官兵奮勇越壕紛紛潰散我軍步馬相繼追殺十餘里又將白鴨嘴賊巢立時攻毀十二日移營三府里十三日命馬步隊進攻馬烏什該處十餘村堡皆回衆麇集之所巢穴最大經各隊苦戰竟日將各村堡全行平毀十四日四更傳令馬步進攻沙窩老

巢賊以大隊來撲臣策勵三軍誓必滅此朝食將士均各用命一鼓而前奮不顧身血戰良久賊始潰亂我軍縱橫截殺敗匪向灞河一路而竄諸軍追至河邊該逆搶渡不及撲水死者約數千人河水爲之塞流沙窩老巢即時焚燬是役也殺斃悍賊最多俘獲賊衆二百餘名生擒頭目馬阿渾一名均在軍前正法奪獲車贏牛馬器械無算南岸灞河迤東賊巢一律肅清僅存近省之半閣村光太廟小巢易於蕝事現在臣駐軍三府里已過臨潼縣十餘里距省密邇當傳令曹克忠會攻光太廟等處巢穴臣日內即擬到省布置一切奉諭多隆阿所奏渭河北岸連克蒲桃窪拜家村賊巢南岸連克三府里白鴨嘴及馬烏什十餘村堡大誓三軍即日攻下沙窩賊巢霆擊風馳軍聲丕振所辦極爲得手瑛榮業經革職多隆阿抵省後即著與張集馨穆騰阿等將城守內外妥爲

籌畫近省地方除半閣村光太廟等小巢而外當無復有如馬烏
什等大巢乘此聲威將東西路回逆迅速全行掃除馬德昭所部
是否可交德興阿統帶鳳翔被圍幾及一載或即派馬德昭前往
抑另派大員赴援之處著多隆阿妥籌辦理不得再有遷延以致
救援莫及高陵縣城是否尙爲賊踞此處攻克東路各軍便可與
雷正綰三原之兵會合將西路逆氛痛加掃蕩以次廓清是日子
戰功卓著之正黃旗漢軍副都統溫德勒克西正藍旗蒙古副都
統常星阿從優議叙賞記名副都統金順頭品頂戴鑲紅旗蒙古
副都統蘇倫保都統銜儘先即補總兵藍斯明以下加銜記名及
勇號有差 八月丁丑穆騰阿張集馨奏十五日派隊會合曹克
忠所部於十六日黎明直抵光太廟境該逆築有高壘兩層兵勇
呼躍直上賊勢不支棄巢北竄曹克忠率隊追殺殆盡其中並有

積麥多困除散給兵勇及窮苦難民外餘悉運赴糧臺以供兵食
奉諭提督銜記名總兵曹克忠著交軍機處記名遇有提督缺出
請旨簡放並諭多隆阿何日可入省城星速馳奏光太廟回巢既
克省城危局漸鬆其半閣村曾否攻入高陵進勦是否得手沙河
玉河之賊曹克忠一軍能否次第殄除均著嚴督各軍迅圖攻勦
雷正綰馬德昭究竟何員可以統兵赴援鳳岐並著迅飭分投前
往穆騰阿於省城防務責任綦嚴張集馨暫署撫篆亦屬責無旁
貸不得粉飾將就致蹈瑛棨故轍 辛巳多隆阿奏臣於七月十

五日拜摺後仍傳令逐日出隊如有敢竄餘孽或隱匿林藪及逃
避村墟者均須剪除淨盡並飛檄曹克忠進攻光太廟等處回穴
旋據稟報於十六日將各該處賊巢一律平毀臣擬於十八日進
省因舊疾增劇且天氣連陰難於拔隊直至二十二日天尙未霽

只得冒雨前行統帶親兵兩營暨常星阿等二起馬隊拔營起程行抵省垣連日與穆騰阿張集馨等將省城內外防守情形妥商酌議並查點防省兵勇數目裁汰老弱以節糜費其救援鳳翔之師因連日大雨如注不能拔營俟天色稍晴即派新授漢中鎮總兵陶茂林帶兵三千人星速馳援刻下渭河以南及附省一帶皆無賊蹤大兵到處已成破竹之勢惟咸陽盩厔等縣交界處所尙有零星賊匪時常出沒不日亦即派兵前往次第勦除臣於省城布置妥協後即親赴渭北進攻高陵一經得手乘勝西指即可肅清全陝矣奉諭多隆阿已於七月二十二日帶兵馳抵西安與穆騰阿籌議省城防守情形所辦諒必妥協著即親赴渭北進攻高陵乘勢西指與雷正綰所部會合進取以期廓清全陝迅奏膚功多隆阿所派之漢中鎮總兵陶茂林帶兵三千往解城圍即由鳳

翔西援平涼著飭星速馳往 是日甘肅提督馬德昭以多隆阿等奏劾老師糜餉畏葸遷延命撤去勇號花翎即行革職交劉蓉軍營差遣委用 戊子己革陝西巡撫瑛榮以多隆阿等奏劾徒糜餉需通同朦蔽命發往新疆充當苦差馬德昭以派援鳳翔託病遷延復虛報勇數冒領口糧視軍務爲利藪命交多隆阿劉蓉張集馨嚴行查訊奏明辦理 是日多隆阿張集馨又奏據鳳翔府知府張兆棟等稟稱七月初九日五更後逆匪用大礮將西城迤南垛口轟塌立雲梯十餘具一擁而上守垛民夫當被殺死三十餘人該府督帶親兵張肇堂周桂芳從西城直上六品軍功王玉禮從南城奮勇前進弁勇李珍錢定國等自北城趕至三路夾攻周桂芳連斃數賊受傷陣亡張肇堂王玉禮等拚命抵禦殺死回逆數十人該逆始跳城而下各勇從後奮擊殺傷頗多城下之

賊亦皆撤退並生擒逆賊五名當在軍前正法臣查鳳郡被圍一載該文武紳民等百計支持困苦情形每一思維令人心痛此次城陷獲全尤屬非常功績懇恩分別獎卹以繫人心而鼓士氣奉諭鳳翔府城自上年八月被圍已經一載此次西城迤南梁口被賊轟塌仍獲保全深堪嘉尚著多隆阿迅催總兵陶茂林星馳援應並檄諭該軍民堅守待援知府張兆棟等勞績卓著著俟援軍解圍後由多隆阿等查明保奏其出力之六品軍功張肇堂等均分別獎擢並賞戴藍翎有差陣亡之六品軍功周桂芳照千總陣亡例從優議卹 乙未多隆阿張集馨奏總兵陶茂林救援鳳翔本定於初五日由省起程如無道途積潦致難拔隊過行而曹克忠勦辦盩鄠一帶賊匪亦因此未能展布實深焦灼又奏雷正綰報七月二十一日探知附近悍賊均赴高陵抗拒官兵我軍因出

隊直擣永樂店老巢以牽賊勢馬步官兵直撲濠邊奮力齊攻該逆憑牆死拒我軍正在得手之際見塔底賊匪紛紛來援當即分兵迎敵斃賊百餘名適值大雨如注火器難施遂收隊回營本月初一日有馬步賊約七八千人前來撲營遂調集兵勇一鼓前進槍礮齊施鏖戰兩時之久見有騎馬逆首往來馳驟督衆死拒該提督統率親兵由中路衝入副都統銜訥恩德善率領黑龍江馬隊從東路奮擊總兵成祿率領馬步兵勇從西路夾攻逆衆登時大潰我軍追殺十餘里計斃賊五六百名據獲賊供餘逆在咸陽蘇家溝等處調來僞元帥孫義保率黨數千渡河意圖攻撲三原各營等語奉諭此次回匪渡河撲營雖經雷正綰督兵擊退而悍賊均赴高陵併力抗拒又在咸陽蘇家溝等處調來僞元帥孫義保率黨數千渡河意圖攻撲三原各營亟宜嚴加防範杜其西竄

仍一面進勦迅殲醜類並分兵攻擣永樂店老巢以牽賊勢鳳翔被圍一年危在旦夕陶茂林一軍自應恪遵前旨星夜進兵即使泥潦載途亦當念鳳郡數十萬生靈望援之急迅速拔隊豈得畏難苟安藉口不進著該署提督剋日赴鳳翔痛勦逆匪立解城圍儻敢任意稽延致鳳郡或有疏失必當重治其罪決不寬貸 庚子多隆阿奏鳳翔被圍先飭陶茂林統帶三千五百人星馳往援已於八月十六日起程並添撥勇丁三百人以繼其後不日大兵抵郡即可立解城圍刻下附省地方皆無賊蹤城中回戶亦極安靜曹克忠一軍已將鄠縣一帶之賊勦除淨盡糧路疏通擬令仍回西安駐軍城外以顧根本重地其德興阿所部馬隊三百餘名現亦移紮城下不時在渭河南來往梭巡以防此路敗賊偷渡之路並飭富魁帶烏拉二起馬隊百餘名在省西一路扼要巡防至

省城現存回兵二百餘名已派總兵慶瑞管帶隨同臣馳赴渭北除檄令穆圖善統帶南岸各營移赴北岸合力痛勦十三村餘孽一經得手即進薄高陵力圖攻取總期廓清西路迅速蕩事奉諭多隆阿已由省起程並檄令穆圖善將南岸各營移過北岸合力痛勦宜乘官軍屢勝之威一鼓作氣將十三村餘匪掃除進拔高陵並令雷正綰軍由西路進攻涇原等處賊巢以期肅清渭北

九月乙巳穆騰阿奏臣自馳抵西安後與瑛棨會商防勦數月以來賊匪屢撲城營均經隨時擊退舉國皆知臣實未敢粉飾馬德昭派援鳳翔任意遷延臣以該員帶兵曾著勞績且值城防綦重未便即時叅奏惟瑛棨之昏憤糊塗一任馬德昭愚弄臣未能即時查叅實屬疏忽請旨將臣交部議處奉諭穆騰阿於馬德昭奏叅奏保先後自相矛盾之處仍復含糊未能明晰實屬昏憤西安

將軍穆騰阿著交部議處 是日命已革署甘肅提督馬德昭赴甘肅慶陽軍營交熙麟差遣委用被參各款仍飭多隆阿劉蓉查明具奏 戊申張集馨奏曹克忠統帶楚軍七營將百丈村義井寨攻克隨即進攻中路該逆不戰而逃整鄂之路亦通陶茂林即可整隊前進不致梗阻曹克忠現紮梁家橋距省六十里扼蘇家溝竄匪以爲省城運糧之計陝省城堅濠深德興阿統帶馬隊屯紮城東臣又將撫標三營兵挑出千人嚴飭中軍花沙布仿照多隆阿雙龍陣法操練以期有備無患其逃亡病故不足額者亦趕緊招募再合穆騰阿所練滿兵共三千人足以防制內奸抵禦外侮奉諭整鄂道路旣通陶茂林軍即著多隆阿飭令整隊前進速援鳳翔蘇家溝距省較近爲羣逆屯聚之所難免不出撲省垣一切稽查奸細防守城垣均不可稍形疏懈並著多隆阿速將十三

村賊寨攻克拔取高陵以次進攻將省城西北一帶賊巢掃除毋稍遲誤 甲寅張集馨奏援醴泉之兵中途遇伏副將梁仕紳陣亡七月二十七日回逆攻撲醴泉縣城叅將王步雲管帶勇丁內外夾擊城圍立解近城已無賊蹤請旨將儘先副將廣西撫標右營遊擊梁仕紳飭部議卹允之 乙卯多隆阿奏臣於八月二十六七等日先後移營於普陀原並檄穆圖善統帶各營過河會勦一面飛咨雷正綰由三原進攻永樂店塔底賊巢並嚴飭總兵馬陞扼守咸陽以防西竄二十八日五鼓先派常星阿蘇倫保溫德勒克西金順各起馬隊分伏於十三村之北臣親督隊由東路進穆圖善等帶隊由南路進馬步各賊約有五千餘人蜂擁而出抵死抗拒我兵三路夾攻殺斃馬賊百餘人步賊二百餘人賊勢不支紛紛西竄遂將大小十三村一律平毀二十九三十等日移營

進逼高陵九月初一日黎明官軍直逼城下蟻附登城該逆潛由南門遁出麇聚於離城五里外之南村我兵奮勇追擊立將高陵縣城收復擒斬不計其數沿河數十里回村次第踏平初四日追至涇河入渭之處敗匪竄過涇河我軍遂於涇河北岸紮營該逆見我軍布置未定在南岸用火礮擡槍轟擊臣先令馬隊由上游十里過河豫備截擊遂督率各營兵勇一擁過河賊衆敗竄我軍分兩路追殺臣督隊沿渭河邊前進穆圖善沿涇河邊前進尾追四十餘里至長駝灣該逆甫入村閉門不及官兵奮力攻擊遂將長駝兩村登時攻破維時雷正綰於初一日已次第將永樂店塔底攻開該逆仍在南岸抗拒臣見雷正綰不能過河派常星阿蘇倫保溫德勒克西金順各帶馬隊向前抄殺斃賊一千餘名雷正綰見馬隊已至遂督軍鳧水過河與穆圖善會合追殺先後共

殺馬步悍賊三千餘人奪獲贏馬器械無算涇水深過人胸溺斃兵勇十餘名次日即飭搭造浮橋移營於長駝灣以便節節掃蕩並令雷正綰由涇陽渡河馳赴咸陽西北杜賊竄路奉諭現在軍威大振亟宜乘勝進攻以收破竹之勢著多隆阿督飭諸軍移營前進迅將咸陽迤西乾邵等處賊巢削平並嚴杜該匪往西北奔竄之路期於聚而殲旃廓清全陝鳳翔被圍已久陶茂林援軍行至郿縣之西柿林地方爲川逆曹背時股匪牽掣鳳翔望援急切若赴救再遲恐蹈漢中覆轍該大臣當嚴檄陶茂林速將曹逆殄除尅日直達鳳翔以拯倒懸之急 是日子攻克高陵及十三村等處出力之總兵余文科等攻克永樂店塔底等處出力之總兵成祿魏添應等均升擢有差 辛酉多隆阿奏逆賊麇集涇河以南渭河以北意圖負隅抗拒臣搭造浮橋督軍前進初七八等日

節節移營進逼蘇家溝老巢一面飛咨雷正綰統帶所部各營由涇陽渡河扼其西竄之路並飭曹克忠馳赴咸陽相機扼勦臣於初十日親督大軍分路並進距賊巢不遠該逆由渭河直至涇河綿亘十餘里排列大隊以待臣軍分撥已定各依次而進該逆拚命抗拒我軍吶喊猛撲馬步分路包抄鏖戰兩時之久斃賊二千餘人逆勢不支紛紛逃竄當將高陽莊東穆家寨南舍家村北舍家村蕭城鈕家堡韋家溝等處賊巢一律平毀餘匪搜殺無遺臣揮軍前進直薄蘇家溝老巢併力衝擊拋擲噴筒火彈登時火光四起各軍縱橫盪決斃賊不下四五百人當將蘇家溝老巢攻毀正擬整隊前進突有馬賊二千餘人自渭城來援復經馬步鼓勇殺退趁勢尾追將馮家圍子西穆家寨賊卡一併攻破直抵渭城老巢該逆於此處修城濬濠意圖久踞城上槍礮如雨我軍攻撲

多時竟未能下副將孟宗福冒煙突火拔幟先登總兵姜玉順亦相繼超躍而上砍倒守城悍賊多名大開城門諸軍一擁而進奮力截殺將城內逾萬逆回勦滅殆盡救出難民千餘人其奪路奔逸者馬賊不過五六百人步賊不過一千餘人當即飛檄德興阿統率馬隊在近省一帶嚴密防範相機追勦統計是日殺斃逆賊不下一萬七八千人奪獲牛馬器械不可勝計實爲近來第一血戰約計雷正綰曹克忠兩軍此時當已扼要屯紮該逆斷不敢由大路西竄咸陽境內尙有白起營馬家堡兩處賊巢醴泉邠州等處賊黨尙衆容臣節節進勦自可一鼓盪平又奏陶茂林救援鳳翔之師於八月二十九日行至郿縣有川匪曹背時屯踞該縣所屬之槐芽鎮等處四出搶掠阻我軍行陶茂林親督兵勇奮力攻勦賊衆潰敗初三日將槐芽鎮攻破尙有餘逆肆擾當即揮兵掃

蕩鳳翔被圍甚急一經廓清糧路立即兼程前進郿縣至鳳郡相
離不過百餘里日內必可趕到奉諭多隆阿親督各營將蘇家溝
渭城賊巢先後攻破其咸陽之白起營馬家堡賊巢及醴泉邠州
等賊黨著節節進剿殄除醜類以期迅就肅清陶茂林一軍由省
取道盩鄠郿縣一帶槐芽鎮至郿縣四十里尙有餘逆肆擾即著

陶茂林乘勝掃除俾暢行無滯得以速抵鳳翔力解重圍

按多軍
拔蘇

家溝渭城之役爲西路第一血戰由是邠乾底
定鳳翔解圍極有關繫故詳錄原疏以備考證是日子出力之營

總常順副將孟宗福總兵姜玉順譚仁芳獎叙有差副都統金順
遇有副都統缺出請旨簡放 甲子多隆阿奏臣率諸軍行至渭
城灣適總兵曹克忠來見據稱咸陽附近之賊麇聚於馬家堡白
起營老巢初九日整隊進攻奮力衝擊殺賊一千餘乘勢逐北該
逆不及回巢我軍一擁而入將馬家堡白起營同時攻毀並將巢

內悍賊盡行勦洗其竄向醴泉餘匪無多已派兵迎頭截擊期速撲滅陝西軍務現已大有頭緒臣忝膺重寄何敢稍分畛域刻下關中兵力稍紓由臣湊足十營發給餉銀軍火令提臣雷正綰統帶由醴泉一路取道固原相機援勦陶茂林一軍俟鳳郡解圍即令由汧陽隴州一帶進取與雷正綰之軍互爲聲援臣於日內分兵各路將乾州邠州長武醴泉扶風等處之賊一律掃蕩即行移駐省垣居中調度奉諭足見該大臣不分畛域實能通盤籌畫顧全大局雷正綰准其逕用木質關防與熙麟聯銜奏事如有緊要軍情並著單銜馳奏陶茂林俟鳳翔解圍後即飭由汧隴進取與雷正綰聯絡策應 十月己卯多隆阿奏據陶茂林稟報九月十九日破賊於第一村進至七里河立解鳳翔之圍先是陶茂林於十六日帶兵進至油房街回逆出巢抵禦茂林先令一軍繞出賊

後截其歸路親督各營奮力衝殺斃賊無數將油房街賊巢攻破十九日督飭各營進至第一村逆衆列大隊挑戰茂林嚴陣以待暗伏精兵於後路賊見我軍不動蜂擁而前俟其逼近用連環槍礮擊斃甚夥賊仍抵死力進我軍佯敗誘至埋伏處所燃礮爲號伏兵四起分路截殺賊屍遍野將第一村逆巢攻毀該處離鳳郡三十餘里其間有白家凹回營層層密布陶茂林連日用奇兵轉戰而前傳令各營分中左右進兵馬隊先撲白家凹誘賊出巢隨即退回賊衆追撲我軍左右步隊均趕到兩面包抄賊無退路驚惶亂竄適中路官兵已將白家凹攻克賊見巢穴已破向西北狂奔追殺二十餘里斃賊數千我兵進至鳳郡七里河立解城圍多隆阿即檄陶茂林迅將附城敗匪次第翦除以便由鳳翔取道赴甘會雷正綰師規復平涼奉諭鳳翔被圍至十四月之久經陶茂

林督軍援救轉戰而前城圍立解皆由多隆阿調度有方所向奏績深堪嘉尚陶茂林奮勇出力著即補授甘肅提督副將張在德以下均予升擢其鳳翔各屬被擾一切善後事宜飭劉蓉張集馨督屬妥為辦理 是日以鳳翔守城文武官紳堅守待援始終不懈卒能轉危為安予道員用鳳翔府知府張兆棟記名以按察使遇缺題奏知府用鳳翔縣知縣唐霈霖記名以道員用副將銜參將德勝記名以總兵用其餘守城出力官紳兵勇飭多隆阿劉蓉

張集馨查明保奏

余樹驕秦隴回務紀略云九月初三日晨與鳳郡之勇出隊甫越長濠賊伏四起我軍面受

敵直逼城濠以火器飛石仰轟郡城下擊濠內虎威兩營所駐對

面濠岸高而巉削有土穴可藏身賊聚敵多退我軍鎗而登轟擊賊

匿土穴礮過則復起相持半日賊聚敵多退我軍鎗而登轟擊賊

排魁列女關斜對東南濠岸地勢最高因拆去閣上東牆用鎗擲

山礮擊之賊多死傷乃息蔽土穴礮石死傷者二百數十人營

之時賊為又我分石黨灰替火換藥百燒計酒進一攻而我隨賊方多守禦一燭晝額夜始不行輟退其撤攻鳳城

長逆濠起困事我以於來中攻賊城意六郡十城餘在次其大掌小握五迨十大軍仗自破襲東逆賈巢村穴原回掘賊挖

入節境節乃西猶奔奮決其計羶襲角取蹈鳳隙郡故瑕有希東圖西城一逞兩以役之險及陶狡殊林甚援矣師

日又云再圍食城則之饑時鮫固雍貴之官地民俗同厚民將龐士近用二命十年最來要惟地麥糧禾人收情成一

起豐稔鳳官屬則殷倉商庫富足賈額多民徙則蓋中藏及充鳳盈回夜不閉百姓逃路難鮮入乞城丐者當必東令回

然攜自帶七費月糧初亦九匆危忙險中以善政羅雀至勢十漸六月之終久朝尚可再百遲計逾苦旬持

雞日所即屬有巨鎮鎬故統至縣恐地也無巡補檢隴錢霖亦得誠人岌心岌督殆民哉團又守禦鎮密者卒寶

太能守保為全其援保軍升至知力縣辦上供游應格領於軍成者例不一樞意幾阻坐以秩誤終身誅今事之平從後

少軍也者又固云多濫月膺十勳三格日而陶實軍出疾力馳異至常距賞城不七里勞之如翟該家巡寺未者及亦陣不

陣而援賊軍大器至連內環外繼各發營賊正披靡賊退接敗仗扼虎威圍營之哨險官以吳拒我富師大圍呼攻陷

壘半死日守踏從平壘圍穴壘用十槍數彈座密賊遁如途進兵毀多其傷壘亡濠壘木蓋柵太賊平據板深我內軍憑槍石

勇彈攻不其能中及堅陶各軍林齊率攻左兵右隊營督壘先抽六營營分馮占援高賊馮得劉洪部各勇部

披溼賊數名前鋒一擁齊上後軍繼之賊奔奪其石壘躍而登短刀斃縱火
 燒之賊悉數竄內外各營攻克附近馬家崖賊巢如北鎮宮麻家十四
 五等日復率內各營攻克附近馬家崖賊巢如北鎮宮麻家十四
 字甯家巷沙家巷一帶剿洗淨盡連日南北兩路以遊騎圍賊悉數
 殲焉圍乃解城圍四百六十餘日復見天日伊古以來所罕觀也
 按鳳郡解圍情形官書所載較略茲以秦隴已丑多隆阿奏鳳翔
 回務紀略言之頗晰特錄於下以備參考

回逆被勦四潰竄至岐山縣之南原橫水等處查該縣距鳳翔五十餘里誠恐該逆乘隙東竄亟應分兵扼勦以爲聚殲之計業經
 飛飭營官蕭河清統帶四營會合金順溫德勒克西等馬隊馳往
 勦辦臣刻已進軍醴泉探聞邠州一帶賊巢尙衆雷正綰援甘之
 軍尙須節節掃蕩方能前進昨據總兵曹克忠稟稱抵南番鎮途
 遇逆匪連戰皆捷甚爲得手其五鳳山白吉原等處賊巢依山負
 險尙圖抗拒臣尅日統率馬步各營與諸軍分路兜勦以期一鼓
 殲滅俾雷正綰得以迅速赴甘又奏前奉諭旨宜君縣爲河東餉

續文通志高 卷一百七十四 紀事八 三四一

道所經該縣村莊被賊竄擾飭令馮元佐聯絡民團實力勦辦等因旋據同官耀州先後稟報馮元佐奉督臣熙麟札委富平同官招募行抵底店地方因與該團日程景鵬口角被勇衆格殺身死查馮元佐本非安分之徒此次被衆殺害皆因鄉民素日怨嫉所致現在中部宜君一帶均無賊蹤河東餉道通行無滯當即飭令該州縣將所募勇衆妥爲遣散免致別生事端奉諭此時邠州一帶賊巢尙衆雷正綰援甘之師著多隆阿飛催該提督掃蕩前進並催令陶茂林俟鳳翔戡事迅速督隊赴甘熙麟前派辦團之軍功馮元佐赴富平同官募勇行抵底店因與程景鵬口角被勇衆格殺身死究竟因何起釁應如何將該目懲辦均未據詳細聲叙著多隆阿張集馨會同熙麟查辦奏聞馮元佐所募勇衆即著妥爲遣散 壬辰多隆阿奏據署甘肅提督陶茂林稟稱自鳳郡解

圍後府城東路回巢林立並於附城之鐵樓村鄭家村老巢之外連紮賊壘十餘座意圖攔阻我軍進攻之路該提督於十月初七日統帶八營分路前進該逆出隊抗拒經馬步各營四面兜勦逆勢不支紛紛敗竄立將鐵樓村賊巢平毀初八日偵知鄭家村大股賊匪埋伏於八旗屯地方以另股直撲官軍營盤欲誘我軍深入該提督密飭馬隊由東路包抄令參將楊復勝等斷賊歸路布置已定即令各營列隊進勦逆隊蜂擁而出我軍槍礮齊施該逆狂奔回巢復被楊復勝等截殺逆繞七里河逃竄官兵奮勇跟追撲河淹斃之賊不計其數當將鄭家村巢穴攻毀府城東路賊壘一律掃蕩並將八旗屯各處窩洞零匪搜殺無遺餘賊向汧陽老崖一帶奔竄當飭該提督刻即進勦汧隴餘逆一俟搜捕淨盡即行星馳赴甘其竄至岐山等處另股回匪均經蕭河清會同金順

溫德勒克西馬隊漸次勦滅曹克忠軍已渡河直抵三水據賊供
 白吉原匪黨尙衆現擬督軍進攻如能破此巨巢雷正綰援甘之
 軍即可通行無滯旋准雷正綰咨現商同蘇倫保常興阿進擣拜
 家河老巢該逆拚死抗拒我軍奮勇攻撲立將拜家河賊巢焚毀
 該提督進攻永壽東路槐圪塔賊巢俟永壽肅清即移營前進又
 奏臣所統馬步各隊不下四十餘營籌勦籌防刻無暇晷懇將西
 安將軍印務暫交德興阿就近兼署俾臣得以專心勦賊迅速奏
 功又奏川匪藍大順竄至藍屋初九日將縣城攻陷臣即日親統
 各營前往督勦奉諭以藍屋縣城設被該逆久踞爲患滋深著該
 大臣迅速進兵收復縣城盡殲醜類使興漢諸逆不敢再行上竄
 與回匪勾結鳴張方爲妥善多隆阿督軍在外所有西安將軍印
 務著暫交德興阿就近兼署

平定回匪方略曰案川匪藍大順乘
 官軍剿回匪方略之際猝陷藍屋縣城

該處密邇省垣為徵兵運糧要路賊以狡計牽掣官兵實為陝甘全局之患仰賴宸謨廣運命多隆阿迅速進兵該將軍奮不顧身
後全創力戰卒拔堅城厥
全陝廓清實基於此
十一月丙午張集馨奏據曹克忠咨稱由

三水行抵白吉原十月十八日黎明乘霧進攻至史家河溝該逆傾巢而出曹克忠誘至大隊埋伏處所各軍四面截殺當斃賊目赫阿渾等五百餘名將溝內十餘里賊巢悉行平毀二十日進紮白吉原該逆拚死回撲鏖戰一日殲賊千餘陣斬阿渾頭目甚多白吉原一帶邊境肅清運取賊糧約數萬石又據雷正綰咨稱自攻克拜家河賊巢後餘匪潛逃永壽全境肅清十九日馳抵邠州城守解嚴探明賊踞長武縣與亭口西南北三路諸逆聯為一氣雷正綰與蘇倫保成祿率部分路抄截二十二日雷正綰督率馬步奮力進攻拋放火彈火箭賊勢不支紛紛驚潰遂將亭口老巢攻克又據陶茂林咨自克復麻家崖節次掃蕩連日攻克桃園堡

及火燒村等處賊壘殲滅殆盡惟鳳翔府北二十里外尙有大股賊巢直達汧陽而隴州神峪河添聚外匪勢頗猖獗現在力圖進勦以靖逆氛又奏馮元佐素不安分上年回匪滋事傳帖集聚漢民在渭南縣屬之上漲頭堵擊嗣因漢民不服管帶馮元佐逃至北山之蒲城宜君地方糾同程景鵬等招聚刀匪及無賴之徒三千餘人強擄民間財物控案如鱗地方官畏其兇橫莫敢誰何雷正綰恐釀事端調至三原隨同打仗程景鵬不克前往嗣因甘省軍務緊急將馮元佐調赴慶陽助勦沿途滋擾不堪馮元佐留數百人在底店盤踞歸程景鵬統帶該團日素萌異志招集匪類意圖抗拒官兵嗣與馮元佐口角令團勇將馮元佐殺斃旋經勇目雷致遠向同官縣知縣周文會面稱程景鵬一黨不日起事請即拏辦並自帶勇丁二百餘人幫捕該縣諭令馮團勇目張作恩等

將程景鵬捆獻復派外委張不烈等帶兵馳往寨內團勇一聞兵到即將程景鵬捆綁該犯不服拘拏當被衆勇砍斃衆勇悉遵約束該縣復行曉諭願歸農者厚加賞賜願赴甘者即由雷致遠帶往慶陽刻下寨內安靜可無他虞其滋事頭目韓可英劉解元吳二郭二均已逃逸現在趕緊緝拏務獲究辦奉諭多隆阿飭陶茂林將郡北逆匪掃除肅清汧陽直達平涼力圖收復雷正綰當乘此聲威即行入甘程景鵬殺斃馮元佐勾引土匪謀逆張集馨已令同官縣知縣周文會等將程景鵬拏辦復出示曉諭所辦尙屬妥協程景鵬既經誅鋤衆勇散遣自應將該寨平毀若仍留空寨復有匪徒占踞爲患將來是否另派公正紳耆興辦即查明具奏未獲之韓可英等仍飭嚴緝

鄭士範捍禦回匪紀略云自渭南回變有練總馮元佐者飛布見回不留

之語以故渭南回子販土貨者道鳳翔留不敢歸賄結回方惡少
年倚伏往來使巡役不能驅逐慨自馮練之飛語深入於衆回之

之耳常畏者人遂心妄矣一安分者聽之計而已不逞死又徒自苦為利彼日匪類
 夫豈能教然而也近來回鄉教自良昔民以多其暴之寡多難處於漢人大強之出頭
 而通遠勝而聯是為親戚不乘此四字恐變也強可為痛哭者矣誰生之厲符
 月階馮元今佐由梗以云來天據陳爐不鎮元佐先富平底店鎮九治月六年九
 副率元帥百人據陳爐鎮寨倡言滅回草營人命附城居民盡逃駐縣
 同年官餘為其部下雷招致遠所殺按鄭氏所散及同官册之元景佐實逃
 明激變之罪魁且率衆到處滋擾豈公論哉己酉多隆阿奏雷正緒

攻克拜家河老巢後將槐圪塔等處逆回次第肅清乾州永壽境
 內現無賊蹤該提督約副都統蘇倫保分路進攻將西南兩原大
 佛寺等處賊巢盡行平毀曹克忠軍攻克百子溝逆壘直抵史家
 河將該處六十餘里賊巢全行踏平乘勝進攻白吉原官軍奮勇
 直前殺斃悍賊一千餘名生擒逆首李阿渾等均於軍前正法立

將白言原攻克邠州全境亦清其麟遊之賊現飭曹克忠所部進發與雷正綰軍遙爲聲援前後夾擊陶茂林一軍將麻子崖老巢踏破所有郡城東北賊壘亦經官軍先後掃除復分兵圍攻風伯廟等處郡境悍回大半麇集於此該提督指揮諸軍立將各壘蕩平已飭乘此聲威進攻汧隴陝省回類不下數十萬衆如大荔渭南高陵等處回戶十居其七餘可類推自去冬臣入關以來大小數百戰破賊巢數百處悍回殲戮殆盡逃往邠乾之賊不過一二人亦經諸軍追勦無遺現在雷正綰軍已抵靈臺即可由此邁進不致遷延奉諭所籌均合機宜即飭各將士將麟遊等處之賊趕緊殲除淨盡 乙丑候補四品京堂李雲麟奏鎮安山陽洵陽鄖西四縣回匪自川匪敗竄之後殺漢民以千計燒燬民房縱橫百餘里臣查該回匪與漢民原無嫌隙自去歲陝北叛回被官軍

擊散之後餘黨逃至該處遂連爲一氣屢撫屢叛其爲首者爲胡正滿馬興魁馬金城諸逆脅從三千餘人盤踞宋家寨其地處萬山之中天險陡絕以爲負隅抗拒之計臣於本月初二日由鎮安米糧川進兵並於程家川左右要道豫設伏兵數百名復派本處鄉民之素識胡正滿者作爲眼線隨同官兵於南溝口一帶擇間道埋伏以杜他竄逆首胡正滿因官軍合圍於初三日夜率衆百餘欲赴洵陽所屬之陽山觀號召各回民潛刼官軍營壘適遇我軍伏兵盡出殺斃回匪數十名並將胡正滿擒獲解營正法初四日馬興魁等因胡正滿被擒抵死出戰經遊擊金啓安等奮勇夾擊生擒馬興魁陣斬馬金城殺斃回衆二百餘名遂於初五日進攻賊寨該逆居高擊下礮石如雨我軍蒙盾奮力猛攻直抵山頭火焚逆巢回衆悚懼出寨乞降寨中男婦共有二千餘人臣本欲

全數勦洗惟因附近各處回民分居洞寨誠恐未知其詳激則同
變轉難撲滅因准投降傳諭專誅首惡飭將首先滋事回匪概行
縛獻初六日該回衆將逆賊石文愷班金彩胡廷雷等十餘人獻
赴軍營逐一正法繳出槍礮百餘件遂毀其寨傳隨回衆千餘人
下山諭以恩威羅拜感泣悉無異志此外紅巖石井子一帶回洞
羅列地極險峻臣於初八初九等日復至各處撫循均知感畏共
獻出槍礮二百餘件臣於回衆中擇其精壯矯捷者數百名立爲
隴軍歸化營隨臣攻勦旣收其搏噬之用亦可就近鈴束俾免滋
事惟鎮安洵陽交界之陽山毗連四縣周圍數百里山深路險最
易藏奸臣擬會商陝西撫臣劉蓉於東茅坪一帶添設千把總汛
官一二員彈壓回漢兼管緝捕事宜以爲救安之計奉諭將新立

歸化一營隨時防範勿稍疏虞

按平定回匪方略紀鎮安撫匪事
與關隴思危錄微有異同茲附錄

思危錄往九備參十六是日甫入縣境見兆慶人在鳴鑼南齊團委勦署辦安匪縣詢事

多知藍今逆賊匪去後該處回民報復已匪兩指引河某寨某洞十餘日互堡

漢有回殺相傷關兆今慶本縣印到後任即往兩不岔河自面今諭如帶團紳日號以令縣久無回兩官相致

人私關安越殺兩日人接者回以民軍來稟恐事漢又示諭途回殘民令不其敢出事界請來三親五

至漢伊回寨交聽候地諭示相兆慶均欲不往准以攜紳帶兵再刀十勦月阻初遂二約日兆慶兩同三紳人

干士勦洗人回至民宋悅家服川約口定見十回五日高在紳馬溝阿口渾地勸議和息漢勿回效各叛散逆團致

逆息回事飭忽兆於慶初准十備日糧奉草軍食兆飛慶札即帶於十三營里外迎宋家川雲勦辦

面詳述回民宜非勦叛不情形撫並疑之搶火藥駐宋管家有弁武等事吳雲昌麟等

復於十紳月民六日並圍攻宋家川回寨將不細言漢回兵積明仇日實往非勦叛王兆慶

火留藥截一殺營官在弁此之彈回歷查卑縣十解餘人安捆撫赴大協營再正為稟覆雲麟如所請劫奪

在慶宋苦家勸川回駐民紮一月餘照俟辦漢李回麟途後移即設義學府使漢紳口王逆兆慶烈在慶此因

焚訓者課兼此暗探舉回也兆動慶靜任宋鎮安川四一載帶餘回漢回五相十安餘卸戶任不後至歷玉石已俱

久復略無猜安襄之辦虞賑務乞該處漢回紳民無弗求見並言王公去後
而思危錄云兩大軍駐又雲麟疏中疏及王兆慶撫回一家字且詳述
以恩塞威情形並言危錄所云逆賊三文人者亦極為歧異然思危錄下山諭
撫回設學於後歷迄乎年久至鎮安辦賑回漢均傾心謁告主客相和
賢安尹用徵心詩書之謂教超越庸衆者矣而十二月戊子張集馨奏逆回

自上年五月由同州府大荔縣聚眾滋事徧地蹂躪村鎮為墟經
多隆阿將東路肅清統帥西勦臣即飭印委各員分赴西安同州

兩府清查叛絕各產據各該委員稟稱叛產理應入官即使東路

偶有逸出逆回此時只可宥而不誅斷無給回叛產之理且漢回

怨隙已深欲其共井同村相安無事勢必不能西同兩府幸已肅

清自不便再令叛回仍歸舊土致貽後患省城回民現俱安分自

應仍守前禁不准出入自由統計西同兩府暨邠乾兩州屬叛產

續陝西通志高 卷一百七十四 紀事八 四十一

約在萬頃以上接准撫臣劉蓉來咨屬將此產作爲屯田亦寓兵於農之意至鳳翔逆回經提臣陶茂林准其就撫諒必確有把握現經多隆阿咨令陶茂林趕緊辦竣善爲安置然後拔營西勦始保無虞奉諭飭劉蓉張集馨妥籌奏辦 丙申劉蓉奏陝省回逆之變蔓延數十州縣生靈荼毒戶口空虛仰賴德威師武臣力西同境內肅清鳳翔城圍亦解惟回逆獷悍性成土著歷有年所斷難盡絕根株現雖懾於兵威逃竄斂迹而事定之後必議罷兵誠恐覬覦復生禍機更作若仍重兵久駐又苦籌餉無方頃據石泉縣知縣陸堃稟稱回逆叛產約計不下數百萬畝臣擬將此項地畝與辦營田兼仿旗租之制以裨餉糈而規久遠但逆回叛產與逃戶絕業界限必須劃清辦法方有頭緒逃戶暫時招種將來仍可給還逆產概行入官用資官軍口食至於轉當抵押冒占侵欺

諸弊疊出清查之法頗費經營應請飭下署撫臣張集馨迅速揀派司道大員總司其事分遣得力員紳會同各地方官確查回逆滋擾地方叛產絕業各有若干分別村莊畝數詳細註明毋得稍有含混奉諭劉蓉所請清查叛產籌辦營田諸務與前寄諭旨招佃不如屯田之意正同本日復經寄諭張集馨揀派司道得力大員總司其事即著劉蓉按照所奏與張集馨詳悉妥籌實力舉辦李宗沆劉餘慶二員皆在陝西本籍即著劉蓉傳旨飭令會同地方官將清查叛產籌辦營田各事宜妥為興辦黃輔辰一員現在成都著劉蓉即調至軍營以資臂助

按以叛產辦營田為陝西陸匪善後一大事其議始於陸

莖而主其事者則劉蓉從中規畫者則黃輔辰所訂章程辦法別詳田賦叛產門茲特著其創始籌辦之疏於此以結束平定回匪之局此層實也 丁酉熙麟雷正綰奏據陶茂林函稱鳳翔回民已經

大有關係也 收撫善後一切業飭府縣妥為辦理即日帶領各營由汧進勦奉

諭即著雷正綰督率各軍速與陶茂林軍前後夾擊將汧陽隴州及靈臺崇信之賊痛加勦洗盡殄餘氛以清後路是日熙麟又奏准雷正綰咨稱張集馨將白吉原遺糧撥二萬石聽候派員轉運赴涇臣當札飭陝甘兩省附近各州縣迅速運解以濟軍糈查陝省東至潼關西至長武大路一律肅清商販照常販運其未遭兵燹各州縣倉儲尙有積糧可期源源接濟報聞 又是日奉諭鳳翔回民雖經陶茂林收撫其善後事宜應移交地方官辦理並著張集馨飭該地方官妥慎籌辦務令各回民革面洗心各安生業毋致再生事端 是日熙麟又奏遵查甘省軍情自甯靈繼陷賊衆披猖此次甯夏戕官均係在城回弁前次呂元被害亦係所部回兵故議撫於未經懲創之前防則易啟猜嫌縱則變生肘腋若非該匪等擒獻首逆盡繳刃矛則未盡根株終留萌芽此臣熟思

再四而不敢輕議者也近准多隆阿咨稱飛催陶茂林迅由汧隴
進勦與雷正綰合規平固以收夾擊之功西路得此兩軍似可無
虞惟甘肅逆匪鳴張地方糜爛情形數倍陝西以雷正綰孤軍力
肩重任深恐兵力太單惟有懇飭多隆阿迅催陶茂林曹克忠各
率所部星馳西進會同雷正綰協力勦辦以殄賊氛茲據各路稟
報馬化澂竊據寧靈現已分股攻撲中衛之銀安堡中衛緊與蘭
州涼州接壤雷正綰等軍均有鞭長莫及之勢臣惟有咨照恩麟
多派兵勇嚴扼中衛爲第一緊要關鍵又奏投賊之武進士王錫
爵即雲南回民曾委署甯夏鎮標花馬池營參將往來靈州與馬
逆化澂熟識上年陝西回匪滋事派令統帶甯夏官兵前赴陝西
攻勦乃竟潛往回巢一同焚掠陝西回匪經官兵擊敗該逆由北
山甯條梁一帶竄回靈州憇息馬化澂竊踞州郡據實覆陳奏入

報聞

此按兩奏雖陳甘事與陝西大局殊有關係故詳錄之

編纂吳廷錫